

## ՀԱՅԿԱԿԱՆ ԱՂԲՅՈՒՐՆԵՐԸ ԲՈՒԼՂԱՐԻԱՅԻ ՄԻՋՆԱԴԱՐՅԱՆ ՊԱՏՄՈՒԹՅԱՆ ՄԱՍԻՆ

ԴԻՄԻՏՐ ԱՆԴԵԼՈՎ, ՎԱՍԻԼ ԳՅՈՒՋԵԼԵՎ (Բուլղարիա)

Շուրջ մեկ ամիս գիտական գործուղման մեջ լինելով Հայաստանում, Մեսրոպ Մաշտոցի անվան մատենադարանի և Հայաստանի գիտությունների ակադեմիայի պատմության ինստիտուտի գիտական աշխատակիցների օգնությամբ մենք ծանոթացանք միջնադարյան հայ հեղինակների ստեղծագործություններին՝ որոնելով նյութեր բուլղարների ու Բուլղարիայի վերաբերյալ: Կատարված հետազոտություններից հետո եկանք այն եզրակացության, որ հայ պատմիչների երկերում, տարեգրություններում, աստվածաբանական ստեղծագործություններում և այլ գործերում շատ նյութեր կան նախաբուլղարների, բուլղարների և հայ-բուլղարական հինավուրց կապերի մասին: Այդ նյութերի մի զգալի մասը մինչև հիմա հայտնի չի եղել միջնադարով զբաղվող մեր մասնագետներին:

Նախաբուլղարները, ինչպես հայտնի է, սլավոնական են արևմտյան թուրքալեզվյան խմբին, որը որպես էթնիկական ընդհանրություն ձևավորվել է Միջին Ասիայում և Արևմտյան Սիբիրում: Ըստ հնագիտության տվյալների, մեր թվականության սկզբում, նվրոպայում հոների հաստատվելուց դեռ շատ առաջ, նախաբուլղարները եկել են ու գրավել Մերձկասպյան տափաստանների արևելյան մասերը: Այստեղ նրանք հարևան են դարձել ոչ միայն սաբիրներին ու ալաններին, այլև հայկական պետությանը:

Բնական է, որ Հյուսիսային Կովկասում ապրող այդ ցեղերի պատմությանը լավատեղյակ վաղ հայկական պատմագրությունը կարող է մեզ որոշ տրվյալներ տալ այնտեղ գտնվող նախաբուլղարների մասին: Ուսումնասիրությունից պարզվեց, որ Մովսես Խորենացու մոտ կան նախաբուլղարներին վերաբերող հատվածներ, որոնցից մեկը, հավանաբար, վերցված է Մար-Աբաս Կատինայից:

«Նւ աստ կոչեցեալ [Վաղարշակը], — կարդում ենք Խորենացու մոտ, — զվայրենի եկամուտ ազգն, որ ի դաշտին հիւսիսոյ և որ զստորոտով մեծի լերինն Կաւկասոյ, և որ ի հովիտս կամ ի ձորս երկայնաձիգս խորացեալս, ի լեռնէն որ զհարաւով՝ իջեալ մինչ ի դաշտաբերանն մեծ. պատուէր տալով զաւազակութիւն և զմարդադաւութիւն ի բաց քեցել յինքեանց, և հրամանաց և հարկաց արքունի հպատակ լինել. որպէս զի միւսանգամ տեսեալ զնոսա՝ առաջնորդս և իշխանս հանդերձ գեղեցիկ կարգօք հաստատեսցէ: Նւ արձակէ զնոսա հանդերձ արամբք իմաստնովք և վերակացուօք յիւրմէ: Նւ ինքն արձակեալ զարևմտեայ բաղմութիւնն՝ իջանէ ի տեղիս խոտաւէտս մերձ ի սահմանն Շարայի. զոր հինքն Անուիայտ և վերին Բասեան կոչէին. իսկ յետոյ վասն հատուածի Վղրնդուր Բուլղարայ Վնդայ, բնակելոյ ի տեղիսն՝ յանուն նորա անուանե-

դառնալով Վանանդ. և անուանք շինիցն յանուն Լիւրարց և զարմից նորա անուանեալ կոչին մինչև ցայժմ»<sup>1</sup>:

Խորենացին բոլորովին այլ դիպքերի կապակցութեամբ և մի ուրիշ թագաւորի տիրապետութեան ժամանակ նորից հիշատակում է նախարուղարների Հայաստան գաղթելու մասին:

«Ի սորա իւրշակ Ա.-ի՝ աղմուկ մեծ լեալ ի դօտիս մեծի լերինն Կաւկասու յաշխարհին Բուղարաց, և Բաղուժ ի նոցանէ հատուածեալք եկին յաշխարհս մեր, և բնակեցան ի ներքոյ Կողայ, յարդաւանդահող և ի հացաւետ տեղիս մինչև ի ժամանակո բազումս»<sup>2</sup>:

Եւրբ է տեղի ունեցել այդ գաղթը: Ոմանք ենթադրում են, որ դա տեղի է ունեցել III դ. (մ. թ. ա.), ուրիշները՝ II—I դդ. (մ. թ. ա.), իսկ երրորդները՝ IV դ. (մ. թ.): Վերջերս հայտնվեց ուրիշ մի անվտանգի ենթադրություն, թե նախաբուղարների գաղթը եղել է V դարում: Նորագույն հետազոտությունների համաձայն, ըստ Խորենացու պատմական ժամանակագրության և հնագիտական տվյալների, մենք գալիս ենք այն համոզման, որ այդ գաղթը հավանաբար տեղի է ունեցել մ. թ. II դարում:

Բուղարների (նախաբուղարների) և հայերի միջև տեղի ունեցած այս առաջին շփումը մի անվիճելի պատմական փաստ է, որը հաստատում է նաև Հայաստանի տոպոնիմիկան: Այն շրջանը, որտեղ հաստատվել են նախաբուղարները, անվանվել է Վանանդ. դա նրանց առաջնորդի անունն էր: Արաքսի ձախ վտակը մինչև օրս էլ կոչվում է Վանանդայ, իսկ մի գետակ կոչվում է Բուղարուլայ: Ուշ շրջանների բոլոր պատմիչները այս կամ այն ձևով վերապատմում են Մ. Խորենացու՝ նախաբուղարների գաղթին վերաբերող տեղեկությունները:

V դարի հայ պատմիչները (Եղիշե, Փավստոս Բուղանդ և ուրիշներ) իրենց երկերում հաճախ հիշում են հայերի և Կովկասից դեպի հյուսիս ապրած հյուսիսային հոների միջև գոյություն ունեցող հարաբերությունների մասին (բարեկամական կամ թշնամական): Արդյո՞ք «հյուսիսային հոներ» հավաքական հասկացության մեջ մտնում են նաև նախաբուղարները, դրան առայժմ պատմադիտությունը դրական պատասխան չի կարող տալ:

Ավելի ուշ շրջանի պատմիչների երկերում հանդիպում ենք նախաբուղարներին վերաբերող նաև ուրիշ տեղեկությունների: XIII դ. պատմիչ Ստ. Օրբելյանի երկում հանդիպում ենք մի հետաքրքիր տեղեկության, որը կիսաառասպելային բնույթի է: Այստեղ նշված է նախաբուղարների և պարսիկների միջև VI դ. առաջին կեսում տեղի ունեցած զինված ընդհարումների մասին: Ինչպես նշում է Ստ. Օրբելյանը, հիշված տեղեկությունները ինքը վերցրել է Սյունյաց կաթողիկոսի մեղ շհասած երկից (VII դ.): Հոների (իմա՝ նախաբուղարների) առաջնորդ Հոնագուրը քանիցս հարձակվում ու ավերում է պարսկական պետության սահմանները: Միառժամանակ անցնելուց հետո նա դիմում է Պարսկաստանի խոսրով Անուշիրվան թագավորին (531—579 թթ.), թե բավ է որքան արյուն են թափել: Նա առաջարկում է վերջ տալ պատերազմներին և դեմ առ դեմ մենամարտել: Ահեղ Հոնագուրից վախեցած, Պարսկաստանի թագավորը կանչում է հայազգի խիզախ Բաբեկին, որը մենամարտում է նախարուղ-

<sup>1</sup> «Մովսիսի Խորենացու պատմութիւն հայոց», Տիֆլիս, 1913, էջ 108—109:

<sup>2</sup> Նույն տեղում, էջ 119:

վարների առաջնորդի հետ: Մենամարտը տևում է ամբողջ օրը: Վերջում Հոնագուրը ուժասպառ է լինում ու պարտվում<sup>3</sup>:

Որ իսկապես նախաբուլղարների ու պարսիկների միջև տեղի են ունեցել արյունահեղ ճակատամարտեր, վկայում է նաև IX դ. արաբական պատմիչ Ալ-Թարարին: Նա հաղորդում է, որ խոսքով Անուշիրվանը, որպեսզի պահպանի Պարսկաստանը հյուսիսային ցեղերի (խաղարների և նախաբուլղարների) արշավանքներից, ստիպված է եղել ամրացնել Հյուսիսային Կովկասի բերդերը:

Բացառիկ հետաքրքիր նյութեր կան նախաբուլղարների վաղ պատմության և մասնավորապես բուլղար առաջին տիրակալ Ասպարուխի մասին VII դ. հայոց «Աշխարհացույցում»: Հայտնված տեղեկությունները մի հավելում են, որոնք, ինչպես կարող ենք ենթադրել, կատարված են VIII դ. սկզբին: Այնտեղ գրված է. «Որ[ոց] ըստ հիսիսոյ են աղգ Թուրքաց եւ Բուլղարաց, ըստ անուանց գետոցդ կոչեցեալ Կուլի Բուլղար, Քուշի Բուլկար, Ունդլխոնտոր Բուլկար եկն, Չղար Բուլկար. օտար այժմ ի Պտղոմէականէն են այս անուանք: Եւ ի Զիական լեառնէն փախեալ որդին խուզբաղայ:

Եւ ընդ մէջ Բուլղարաց եւ ծովուն Պոնտոսի բնակեն աղգք Դաշք եւ Քուլթթք եւ Սոլանք...»<sup>4</sup>:

Ինչպես երևում է, այստեղ կան բացառիկ հետաքրքրություն առաջացնող տեղեկություններ, որոնք հաստատում են մի կողմից նախաբուլղարական ցեղերի բաղմատեսակ անունները, և մյուս կողմից՝ Կուբրաթի «Մեծ Բուլղարիա» գեղամիության տարաբաժանումը և Ասպարուխի առաջնորդությամբ նախաբուլղարների մի բեկորի դեպի հարավ տեղափոխվելը: Հավելված տեղեկությունները նշում են նաև ուրիշ հետաքրքիր փաստ սլավոնաբուլղարական պետության պատմությունից՝ նրա մղած պայքարը ավարների հզոր խանության դեմ:

Անցյալում Հայաստանը կարևոր ռազմական գիրք է ունեցել աշխարհում և բաղմիցս գրավել է մեծ պետությունների ուշադրությունը: IV դարում Արևելա-Հռոմեական կայսրությունը (Բյուզանդիան) և Սասանյան Պարսկաստանը հետզհետե տիրել են Հայաստանին: Բյուզանդիայի կայսրերը օգտագործել են հայկական խիզախ բանակը իրենց արշավանքների համար: Միևնույն ժամանակ նրանք բաղմիցս վերաբնակեցրել են հայերին Բալկանյան թերակղզում, որպեսզի այդ աշխարհամասի նվաղած բնակիչների թիվը բաղմանա, իսկ ավելի ուշ՝ VI—VII դդ., որպեսզի կարողանան օգտագործել հայ զինվորներին՝ պայքարելու սլավոնական ներխուժման վտանգի դեմ: Հատկանշական է Բյուզանդիայի Մորիկ (582—602) կայսեր՝ Բալկանյան թերակղզու սահմաններում հայերի բնակեցնելու քաղաքականությունը: Բալկանյան թերակղզու VI—VII դդ. պատմության մեջ հայերի մասնակցության մասին խիստ կարևոր և հետաքրքիր տեղեկություններ կան «Հերակլի պատմություն» աշխատության մեջ, որը վերագրվում է հայ եպիսկոպոս Սեբեոսին: Բյուզանդիայի կայսր Մորիկի և Պարսկաստանի խոսքով ներկրորդ Ապրվեղ թագավորի միջև տեղի են ունեցել բանակցություններ, որոնց ժամանակ քննարկվել է հայ բնակչությանը այդ վայրեր գաղթեցնելու հարցը: Սեբեոսը գրում է. «Յայնմ ժամանակի թագաւորն յունաց Մարիկ հրամայէ գրել առ թագաւորն պարսից գիր ամբաստան վասն»

<sup>3</sup> Ս. Օրբելյան, Պատմութիւն նահանգին Սիսական, Թիֆլիս, 1910, էջ 35:

<sup>4</sup> Ս. Ս. Երեմյան, Հայաստանը ըստ «Աշխարհացույց»-ի, Երևան, 1963, էջ 101:

իշխանացն ամենալն Հայաստանեաց և դարաց նոցա: Այդ մի խոտոր և անհնազանդ են, ասէ, կան ի միջի մերում և պղտորեն: Բայց եկ՝ ասէ, ես զիմս ժողովեմ և ի Թրակէ գումարեմ. և դու զքոյդ ժողովէ և հրամայէ յԱրևելս տանել: Զի եթէ մեռանին՝ թշնամիք մեռանին. և եթէ սպանանեն՝ զթշնամիս սպանանեն. և մեք կեցցուք խաղաղութեամբ: Զի եթէ դոքա յերկրի իրեանց լինիցին, մեղ հանգչիլ ոչ լինի: Միաբանեցան երկոքին. և սկսաւ կայսրն հրաման տալ, զի ժողովեսցին զամենեանսն և ի Թրակէ գումարեսցեն. և սաստիկ տաղնապէր՝ հրամանն կատարէր: Եւ սկսան փախչիլ ի կողմանէն յայնմանէ և գալ ի ծառայութիւն պարսից...»<sup>5</sup>:

Բուլղարիայում հայերի մասսայական վերաբնակեցման մասին սա առաջին հաղորդումն է, որը մինչև այժմ չի օգտագործվել մեր պատմագիտության մեջ: Սույն փաստն ապացուցում է, որ Բալկանյան թերակղզու բաղմաթիվ աղգերի շարքում, որոնք ավելի շուտ են շփում ունեցել սլավոնական ցեղերի հետ, եղել են նաև հայեր:

Սլավոնների դեմ Բյուզանդիայի մղած պայքարի ժամանակ կայսրության զորչների տակ կռվել են նաև հայկական զորքերը: 593 թ. տեղի ունեցած արշավանքներին մասնակցել է նաև հայկական ջոկատը՝ ղորավար Մուշեղ Մամիկոնյանի առաջնորդությամբ: Սկզբում ջոկատը մեծ հաղթանակներ է տարիլ, բայց հետագայում ջարդվել է: Զինվորները ցրվել և ապաստան են գտել Բալկանյան թերակղզու բերդերի մեջ: Սլավոնները ձերբակալել են Մուշեղ Մամիկոնյանին և կախել մի ծառից:

«Հերակլի պատմություն» մեջ, որը մի շատ թանկարժեք աղբյուր է VI—VII դդ. վերաբերյալ, հանդիպում ենք և մի ուրիշ տեղեկության: Բյուզանդիայի Փոկաս կայսրը (602—610) միջոցներ է ձեռնարկել կայսրության հյուսիսային սահմանն ամրացնելու և սլավոնների գաղթահոսքը դադարեցնելու համար: Բայց նրա ջանքերն ասպարդյուն են անցել: Այս տեղեկությունները հնարավորություն են տալիս հերքել գիտության մեջ տիրապետող ավանդական դարձած ըմբռնումը, թե սլավոնների դանդաժային գաղթը Բալկանյան թերակղզի կատարվել է առանց արդեւթի:

Հայ պատմիչների հետաքրքրությունը Բուլղարիայի պատմության նկատմամբ երևում է և մի քանի ուրիշ փաստերից, որոնք գտնում ենք «Խալիֆաների պատմություն» աշխատության մեջ: Նրա հեղինակը VIII դ. պատմիչ Ղևոնդն է: Աշխատությունը տեղեկացնում է այն օղնության մասին, որը 705 թ. բուլղարական խան Տերվելը ցույց է տվել Բյուզանդիայի Հուստինիանոս II կայսրին: Սակայն Ղևոնդի հաղորդած փաստերից մի քանիսը չեն համապատասխանում պատմական ճշմարտությանը: Օրինակ, ճիշտ չէ Ղևոնդը, երբ ասում է, թե Տերվելին սպանել են ճակատամարտում և նրա զլխավորած զորաբաժինը բաղկացած է եղել խաղարներից<sup>6</sup>:

Ղևոնդը տեղեկություններ է տալիս Թրակիայում կոստանդին V (741—775) կայսեր զահակություն ժամանակ տեղի ունեցած հայերի գաղթի մասին: Այս փաստերը հաստատում են բյուզանդական հեղինակներ Թեոփանես Խոստովանողը (IX դ.) և պատրիարք Նիկիփորոսը (IX դ.): Այս աղբյուրն ընդլայնում է մեր պատկերացումները VIII դ. երկրորդ կեսին Բուլղարիայի և Բյուզ-

<sup>5</sup> «Պատմություն Սերէոսի եպիսկոպոսի ի Հերակլն», Թիֆլիս, 1912, էջ 75—76:

<sup>6</sup> «Պատմություն Ղևոնդայ մեծի վարդապետի հայոց», Ս. Պետերբուրգ, 1887, էջ 17:

ղանդիայի միջև տեղի ունեցած ընդհարման մասին, որի ժամանակ բյուզանդական բաղամացեղ բանակի կազմում եղել են և հայկական ջոկատները։ Սլավոնաբուլղարական պետության դեմ մղած պատերազմում հայ զորավար Տաճատը մեծ սխրագործություններ է կատարել և «որոյ անդէն ցուցեալ արքային զարիտթին ի կողմանս Սարմատացւոց, որ անուանեալ կոչին Բուլղարք և դառնայր մեծաւ յաղթութեամբք»<sup>1</sup>։ Ուղիղ 22 տարի այս հայ զորավարը ծառայել է Կոստանդինի մոտ՝ հաճախ մասնակցելով Բուլղարիայի դեմ կաղմակերսված արշավանքներին։

Բուլղարիայի պատմության նկատմամբ հայ պատմիչների հետաքրքրությունը շարունակվում է հետագա, առավելապես IX—XI դդ., երբ նորից ստեղծվել էր հայկական անկախ պետությունը։ Սա հայ պատմագրության ամենածաղկուն ժամանակաշրջանն է, երբ գրվել են մի շարք երկեր, որոնք ընդգրկել են ինչպես հայ ժողովրդի, այնպես էլ հարևան և ավելի հեռավոր ժողովուրդների (թուրք-սելջուկների, արաբների, բյուզանդացիների, բուլղարների) պատմությանը վերաբերող փաստեր։ Այդ շրջանի պատմաբաններից ամենաշանաչվածն է «Տիեզերական պատմություն» երկի հեղինակ Ստեփանոս Տարոնեցին (Ասողիկ)։ Ինչպես արդեն հայտնի է, նրա երկում, որը գրված է X դ. վերջում, կան մի շարք տեղեկություններ Բուլղարիայի և Բյուզանդիայի փոխհարաբերությունների և, մասնավորապես, Վասիլ II-ի ու Սամվելի միջև տեղի ունեցած պատերազմների մասին։

Ասողիկի երկը ծանոթ է եղել Վ. Ն. Զլատարսկուն<sup>2</sup>։ Նրա գրած «Բուլղարական պետության պատմություն» (հատ. I, մաս 2) աշխատության մեջ մի քանի անգամ հիշատակվում են հայ պատմիչի տվյալները, մանավանդ, երբ նկարագրվում են X դ. երկրորդ կեսին տեղի ունեցած դեպքերը։

Բայց Վ. Ն. Զլատարսկին նկատի չի առել բոլոր այն տեղեկությունները, որոնք վերաբերում են Բուլղարիայի պատմությանը։ Օրինակ, նա չի օգտագործել մի այնպիսի հետաքրքիր հատված, որտեղ խոսվում է 971 թ. տեղի ունեցած ռուս-բյուզանդական պատերազմի մասին։ Այս հատվածում պատմվում է Բյուզանդիայի Հովհաննես Չմշկիկ կայսեր Բուլղարիա կատարած արշավանքների մասին։ Նշվում է նաև, որ բուլղարները դիմադրել են կայսրին՝ «ռուսների օգնությամբ»։ Սա հետաքրքիր մանրամասնություն է, որը ամրապնդում է վաղուց հայտնված այն կարծիքը, թե Բուլղարիայի Բորիս II թագավորի և Կիևի Սվյատոսլավ իշխանի միջև գոյություն է ունեցել Բյուզանդիայի դեմ ուղղված պատերազմական դաշինք։

Անհրաժեշտ է նշել, որ Ասողիկի այս տեղեկությունը չի օգտագործել նաև Բ. Մոթաֆչիկը<sup>3</sup> Սվյատոսլավ իշխանի օրոք ռուսների և բուլղարների հարաբերությունների հարցին նվիրված հոդվածում։

Բուլղարիայի պատմության լուսաբանման գործում մինչև այժմ չօգտագործված հեղինակ է հայ պատմիչ Արիստակես Լաստիվերտցին։ Նրա երկն ընդգրկում է 1000—1071 թթ.։ Չափազանց հետաքրքրական են նրա բացասությունները Բուլղարիայի՝ բյուզանդական լծի տակ ընկնելու կասկածյալությամբ։ Ըստ Լաստիվերտցու, բյուզանդական Վասիլ II կայսրը, թեև իր թա-

<sup>1</sup> Նույն տեղում, էջ 159։

<sup>2</sup> Բուլղարական հայտնի պատմաբան (ծանոթ. քաղգմ.)։

<sup>3</sup> Մի ուրիշ հայտնի բուլղարական պատմաբան (ծանոթ. քաղգմ.)։

գավորության ժամանակ անդադար պատերազմել է բուլղարների դեմ, սակայն չի կարողացել նրանց նվաճել: Բուլղարիայի թագավորի մահվանից հետո, որը ունեցել է «շատ հաղթություններ» (հայտնի է, որ խոսքը Սամվելի մասին է), նրա երկրում տեղի են ունեցել խռովություններ: Նրա ժառանգորդների միջև ծագել է ուժեղ պայքար և իրենք կամուփին հանձնվել են Բյուզանդիայի կայսրին: Ինչպես տեսնում ենք, կաստիվերտցին Բուլղարիայի նվաճումը բացատրում է տիրակալների միջև ծագած ներքին խռովություններով:

Հայ պատմիչը հետաքրքիր տեղեկություններ է տալիս Վասիլ II-ի գերի վերցրած և նրա տիրապետության տակ մնացած բուլղար զինվորների ճակատագրի մասին: Նա գրում է, որ նրանց հավաքել են մի տեղում, այն պատըրվակով, որ աշխատավարձ բաժանեն, բայց հետո ուղարկել են արևելյան շրջանները, որտեղից նրանք այլևս չեն վերադարձել: Այս հաղորդումը իր տեսակի մեջ միակն է և տակավին ուրիշ աղբյուրներում հայտնաբերված չէ: Արժե հիշել նաև կաստիվերտցու այն տեղեկությունը, ուր բացահայտվում է Վասիլի քաղաքականությունը Բուլղարիայի թագավորական հարստության վերջին ներկայացուցիչների նկատմամբ: Ժառանգությունից զրկելուց հետո Բյուզանդիայի կայսրը նրանց որպես փոխհատուցում տվել է քաղաքներ հունական հողերի վրա: Նույն փաստերին հանդիպում ենք և բյուզանդական ու արաբական աղբյուրներում: Այս ամենը վկայում է, որ «Բուլղարասպանը»<sup>10</sup> լավ է վերաբերվել բուլղարական արիստոկրատիայի ներկայացուցիչների և Սամվելի ժառանգորդների հետ: Վասիլ II-ի իսկական նպատակն է եղել սիրաշահել նրանց և դրա համար էլ բոլորին լավ պաշտոններ է տվել բյուզանդական կայսրության մեջ, որպեսզի նրանք մոռանան իրենց հայրենիքը:

Կաստիվերտցու երկում հանդիպում ենք Բուլղարիային վերաբերող մի քանի ուրիշ մանր տեղեկությունների ևս: Այսպես, հիշվում է, որ բուլղար զինվորները մասնակցել են բյուզանդական բանակի Փոքր Ասիայում կատարած հարձակումներին: Տվյալների կան Հովհան Վլադիսլավ բուլղար վերջին թագավորի որդու՝ Ահարոն Վեստի մասին, որը բյուզանդական բարձրաստիճան զինվորական էր դարձել և մասնակցել թուրք-սելջուկների դեմ մղված ճակատամարտին: Հիշվում է նաև Ահարոնի որդու՝ Թեոդորոսի մասին, որը նույնպես բարձրաստիճան զինվորական էր բյուզանդական բանակում և զոհվել է մի ճակատամարտում: Բուլղարական դահի վերջին ներկայացուցիչների մասին կաստիվերտցու տված այս տեղեկությունները, ինչպես հայտնի է, հաստատվում են նաև բյուզանդական աղբյուրներով:

Ուրիշ մի հայ պատմիչ, որի կրկնում շատ հաղորդումներ ենք գտնում Բուլղարիայի պատմության մասին, ժամանակագիր Մատթևոս Ուռհայեցին է: Նրա աշխատությունները շատ կարևոր աղբյուր են մեզ համար, որովհետև նա հաղորդում է Սամվելի և Վասիլ II-ի միջև տեղի ունեցած պատերազմների և Բուլղարիայի բյուզանդական տիրապետության տակ ընկնելու մասին: Այդ տվյալների մեծ մասը Վ. Ն. Զլատարսկին օգտագործել է «Բուլղարական պետության պատմություն» (հատ. I, մաս 2) աշխատության մեջ: Միևնույն ժամանակ նա համեմատել է այդ տվյալները բյուզանդական հեղինակների և Ստ. Տարոնեցու հաղորդումների հետ: Զնայած դրան, Զլատարսկին չի օգտագործել այն ամենը, ինչ պարունակում է Մ. Ուռհայեցու երկը: Նա ուշադրություն չի դարձրել,

<sup>10</sup> Խոսքը Վասիլ II-ի մասին է (ձաճոր, բարգմ.):

օրինակ, այն հատվածին, ուր նկարագրվում են բուլղարական պետության վերջին օրերը և վերջնականապես նրա զրավումը բյուզանդական կայսրության կողմից (դլ. 36)։ Այդ երկից պարզվում է, որ Մ. Ուռհայեցին Ալուսիանին համարում է Բուլղարիայի վերջին թագավոր և պնդում, որ բյուզանդացիները նրան թունավորել են։ Նրա զավակները զերի են բերվել և Վասիլ կայսրը տեղափոխել է նրանց Կ. Պոլիս։ Ինչպես հայտնի է, բուլղարական պետության վերջին օրերի մասին հիշված հաղորդումները չեն համապատասխանում բյուզանդական հեղինակների տեղեկություններին, և մենք կարծում ենք, որ հենց դրա վրա պետք է ուշադրություն դարձնել։

Վ. Ն. Զլատարսկին իր պատմության մեջ չի օգտագործել Մ. Ուռհայեցու նշումները Պետր Դելյանի<sup>11</sup> ղլխավորած ապստամբության մասին, որը տեղի է ունեցել 1040 թ. (դլ. 52)։ Այդ ապստամբության մասին հայ ժամանակագիրը նշում է, որ այն ավարտվել է բուլղարների հաղթությամբ, որ բուլղարները մեծ կորուստներ են պատճառել բյուզանդական Միխայիլ IV կայսեր զորքերին։ Սա արդեն ժամանակագրողի բացահայտ սխալն է։

Մ. Ուռհայեցու երկում կան նաև այլ տեղեկություններ Բուլղարիայի պատմության վերաբերյալ։ Հետաքրքիր է, օրինակ, նրա հաղորդումը, թե բյուզանդական Ալեքսիոս I Կոմնենոս կայսեր բանակում, որը 1089 թ. կուլել է պեչենեգների դեմ, եղել են և բուլղարներ։ Նույնպես հետաքրքիր է Մ. Ուռհայեցու հաղորդումը խաչակիրների առաջին արշավանքի ուղու մասին, որը անցել է Բուլղարիայի վրայով։ Հայ ժամանակագրողը նշում է, որ ժողովուրդները առմենուրեք թշնամաբար են վերաբերվել խաչակիրներին, որի հետևանքով տեղի են ունեցել անբարեհաճ դեպքեր։ Երկու հաղորդումներն էլ համապատասխանում են օտար աղբյուրների տվյալներին։

Բուլղարիայի պատմության մասին տվյալներ գտնում ենք նաև Գրիգոր Մաղիստրոսի (XI դ.) մոտ։ Ինչպես հայտնի է, Բուլղարիան Բյուզանդիայի կողմից նվաճվելուց հետո (1018 թ.) բուլղարական շատ աղնվականներ հանձնելով են Վասիլ կայսրին՝ ստանալով պաշտոններ ու կոչումներ կայսրության բանակում։ Սրանցից մեկը Նիկոլա Բուլղարացին է, որը, ինչպես հերևում է, մասնակցել է Հայաստանի նվաճմանը։ Շատ վատ հիշողություններ է թողել այդ բուլղարացին հայ ժողովրդի մեջ։ Այդ մասին վկայություն ունի XI դ. հայ զորավար և պատմիչ Գրիգոր Մաղիստրոսը։ Իր որդուն ուղղված բանաստեղծություն-նամակի մեջ նա գրում է հետևյալը.

Լուսւք քէ եկլըն Պապըն Պաղսկ վաղղաճառաբըն պիսակ,  
Կիչեբաբուն Բուլղաբաց սպիաակափառըն զեսուբաս.  
Այրաբատեանըն զագաբն՝ և կոնդբայիըն կատաբ,  
Պատակառոսըն Պրակսիս, սէզ զիչեբեանըն ճեմոդ։  
Աւաբ առոդ աւեռոդ՝ վատանամբալ Նիկոդոս,  
Աղն զինեա զինուրեա սպառագինեա դու վառեա<sup>12</sup>։

XII դ. պատմական և ժամանակագրական գրականության զարգացմանը զուղընթաց Հայաստանում ծաղկել է նաև աստվածաբանական գրականությունը, որի ղլխավոր նպատակն է եղել պայքարել տարբեր հերևտիկոսների բարոդների դեմ։ Ներսես Շնորհալու (1106—1173) մի գրության մեջ, ուղղված

<sup>11</sup> Բուլղարական ժողովրդական խիզախ զորավար և առաջնորդ (ծաճար. քաբգմ.)։

<sup>12</sup> «Տաղասացությունք Գրիգոր Մաղիստրոսի Պահլավունսոյ», Վենետիկ, 1868, էջ 98։

Սամոսատի քաղաքացիներին, հիշվում է նույն ժամանակաշրջանում Հայաստանում և Միջագետքում շատ տարածված արևորդիների աղանդավորական ուսմունքը: Շնորհալին մասնավորապես նշում է (և, ի միջի այլոց, մեղադրում քարոզողներին), թե նրանց հերձվածը սատանեական է և վատ գործ է կատարում: Նա գրում է, որ արևորդիների նման գաղտուկ իրենց սրտերում թաքցնում են սատանայական հերձվածը և ականջ չեն դնում առաքյալի խոսքերին նաև այսպես կոչված բողոքիչները: Սա չափազանց հետաքրքիր հաղորդում է XII դ. բողոքիչի շարժման մասին, որը ցույց է տալիս, թե նրանց ուսմունքը ծանոթ է եղել հայ աստվածաբաններին:

Բուլղարիայի պատմության մասին որոշ տվյալներ ենք գտնում XIII դ. հայ պատմիչների երկերում: Նրանցից մասնավորապես պետք է նշենք Վարդանին, որը գրել է ամբողջական հայոց պատմություն, սկսած ամենավաղ շրջանից մինչև մոնղոլների արշավանքները: Վարդանը ևս ուրիշ պատմիչների նման կրկնում է Մ. Խորենացու վերը նշված հաղորդումները, թե նախաբուլղարները դեռ վաղ ժամանակներում բնակություն են հաստատել Կովկասի հարավային մասում: Ինչպես երևում է, այս տեղեկությունները ուժեղ տպավորություն են թողել հայ պատմիչների վրա, որովհետև մինչև XIII դ. նրանք անդադար կրկնում են դրանք: Սրանից վատ, Վարդանի երկում կա մի ուրիշ հետաքրքիր հաղորդում, որը վերաբերում է խաչակիրների երկրորդ արշավանքի մասնակից գերմանական լիոնլորների Բուլղարիայով անցնելուն (1189 թ.): Հայ պատմիչը հաղորդում է, որ խաչակիրների բանակի առաջնորդ, գերմանական կայսր Ֆրիդրիխ I Բարբարոսան, որը հակամարտության մեջ է եղել Բյուզանդիայի հետ, գրավել է Վևու (ներկայիս Ստ. Զագորա), Ֆիլիպուպոլիս (Պլովդիվ) և Ադրիանուպոլիս (Էդիրնե) քաղաքները, ինչպես նաև ուրիշ շատ բնակավայրեր ու բերդեր: Այս տվյալները համապատասխանում են բյուզանդական և արևմտյան պատմագրության աղբյուրների տվյալներին:

Արժե հիշատակել Վարդանի գրածը բյուզանդացիների և խաչակիրների միջև տեղի ունեցած բախման ավարտի և այն պայմանագրի մասին, որը Իսահակ Անգևոս կայսրը և Ֆրիդրիխ Բարբարոսան ստորագրել են Պոլսում: «Իսկ Կոստանդնուպոլսացիք խնդրեցին ողորմություն և ևս ուն հարիւր կենդինար ոսկւոյ և երկու հարիւր արծաթոյ, և ձրի անցուցին ղամենայն բազմութիւնն՝ զոր առևալ էին ի Բլախաց և ի Բուլղարաց յուլուութիւն գանձուց ի յանցանելն ընդ աշխարհս նոցա»<sup>13</sup>: Վարդանի այս տեղեկությունը ամրապնդում է բազմիցս հիշատակված այն փաստը, թե խաչակիրները Բալկանյան թերակղզով անցնելիս կողոպտել են մասնավորապես բուլղարներին: Միևնույն ժամանակ այս հաղորդումը վերջնականապես հաստատում է վաղուց հայտնի այն կարծիքը, թե XIII դ. երկրորդ կեսին, երբ Թըրնուլուում<sup>14</sup> տեղի է ունեցել Ասեն թագավորի ղեկավարած ապստամբությունը, Բուլղարիայում ապրել են մեծ թվով վրասներ: Ինչպես հայտնում է հայ պատմիչը, այդ վրասները բուլղարների հետ միասին տուժել են և կորուստներ են ունեցել խաչակիրներից:

XIII դ. մի ուրիշ հայ հեղինակի՝ Կիրակոսի Պատմությունը ընդգրկում է այն դեպքերը, որոնք տեղի են ունեցել IV դ. մինչև մոնղոլների արշավանքը: Այս գրքում շատ նյութեր կան բյուզանդական կայսրության մասին: Ի միջի

<sup>13</sup> «Մեծին Վարդանայ Բարձրբերդեցոյ Պատմութիւն տիեզերական», Մոսկվա, 1861, էջ 178:

<sup>14</sup> Միջնադարյան Բուլղարիայի մայրաքաղաքը (ծանոթ. յաբգմ.):

այլոց, նա մի քանի խոսքով անդրադառնում է Վասիլ II-ի թագավորության շրջանին և անվանում նրան «Բուլղարասպան»։ Այս մանրամասնությունը շատ հետաքրքրական է, որովհետև մինչև օրս միայն բյուզանդական աղբյուրներում ենք հանդիպում այդ անվանմանը։ Կարելի է ենթադրել, որ Կիրակոսը այդ անունը վերցրել է հենց այդ աղբյուրներից։

XIII դ. պահպանված է մի համառոտ ժամանակագրություն, որը կաղմել է Մխիթար Այրիվանեցին։ Դրա մեջ գտնում ենք Բուլղարիայի մասին մի քանի տեղեկություններ (901 թ. Թրակիայում տեղի ունեցած երկրաշարժի և Բալկանյան թերակղզով խաչակիրների անցնելու մասին)։

Հայ պատմիչների հետաքրքրությունը Բուլղարիայի պատմության նկատմամբ շարունակվում է և թուրքերի տիրապետության ժամանակաշրջանում։ Այդ դարերում մի շարք արևմտաեվրոպական ճանապարհորդներ անցել են Բուլղարիայով։ Նրանց թվում եղել են և հայեր, որոնք իրենց ճամփորդական նոթերի մեջ տալիս են շատ արժեքավոր տեղեկություններ։

Այդ ճանապարհորդներից հատկապես աչքի է ընկնում Սիմեոն Լեհացին։ 1608 թ. ամռանը նա անցել է Արևելյան Բուլղարիայով։ Քաղաքներից, բնակավայրերից, երկրից և մարդկանցից ստացած տպավորությունները նա թողել է ճամփորդական նոթերի մեջ։ Հոսովոյի, Թլերնովոյի, Պրովադիայի, Այթոսի, բալկանյան ճանապարհների, էդիրնեի, Կոստանդնուպոլսի և Սկոպիայի մասին տված նկարագրությունները ոչ միայն հետաքրքիր են բուլղարական պատմության, այլև Բալկանյան թերակղզու պատմական աշխարհագրության համար։ Դրանք հնարավորություն են տալիս հետևել Բուլղարիայի քաղաքների, ինչպես նաև հայկական գաղութների աճմանն ու զարգացմանը։ Ճամփորդական նոթերից պարզվում է, որ XVII դարում Սև ծովի ափին ապրող աղգաբնակչության մեծ մասը հույներ են եղել, իսկ հետո՝ հայեր։ Հետաքրքիր է նույնպես նրա հաղորդումը այն մասին, որ Ռումինիայում այդ ժամանակներում եղել են քաղսմթիվ բուլղարական գյուղեր։ Սրանից գալիս ենք այն եզրակացության, որ հիշված ժամանակաշրջանում տեղի է ունեցել բուլղարների զանգվածային տեղափոխում դեպի Կլաշկո<sup>15</sup>։ Տարօրինակ է նրա հաղորդումը (երևում է, որ ճշմարտությունից զուրկ է), թե Բոսնա քաղաքում ապրել են բուլղարներ, թե՛ այնտեղ գոյություն են ունեցել բուլղարական շատ եկեղեցիներ։

Շատ հետաքրքիր է հայ ճանապարհորդ Մարտիրոս Ղրիմեցու ուղեգրությունը։ Նա Բուլղարիայում եղել է 1675—1676 թթ.։ Ուղեգրությունը շարագրված է չափածո և ձեռնված է դանադան բուլղարական քաղաքների։ Երևում է, որ Ղրիմեցին լավ տպավորություն չի ստացել այդ քաղաքներից ու նրանց բնակիչներից և դրա համար էլ բանաստեղծությունները լի են ծաղրական արտահայտություններով։ Ահա հիշված ոտանավորներից մի քանիսը, որոնք ձեռնված են Բուրգաս և Անհիալո (ներկայիս Պոմորիե) քաղաքներին։ Որչափ մեղ հայտնի է, սրանք մեր քաղաքներին ձեռնված առաջին բանաստեղծություններն են։

Պուրղազ, դու հիմանց Բանլիո

Քո շինուածիդ ամլե կուծանի.

Աւեր և անտեւունչ մնաս.

Ինու նման Սողոմ Բաղալի։

Ճուրջ դառնահամ և զարչ

Համեմատ ծովու ի լեզի

Բնակիչ Բո շաւ և դժեւայ

Նմանին որդուցն Քամի։

<sup>15</sup> Ռումինիայի մերձդանուբյան բարերեր շրջաններից մեկը, ուր ավելի ուշ՝ XVIII դ. գաղթել են շատ բուլղարներ, այդ թվում մի շարք բուլղար հասարակական գործիչներ, հեղափոխականներ, մտավորականներ (ծանոթ. քաղգմ.)։

Բայց դու զայս ծանիր, տիրացու նիկոյ  
Անուն Բաղաֆիդ ու կոչի Անեօլ.  
Հաց ու կեր չունի, միայն ջուրն է պօլ,  
Վերջն տի մնա խորապա և յեօլս:

Մեր ուսումնասիրությունների ընթացքում պարզվեց, որ հայ հին մատենագրությունը (պատմական երկեր, տարեգրություններ, աստվածաբանական ստեղծագործություններ և ուղեգրություններ) ընգրկում է մեծ քանակությամբ տակավին չօգտագործված կամ անծանոթ նյութեր: Կատարած հետազոտությունը հնարավորություն տվեց ճշտել կամ ուղղել Բուլղարիայի պատմության որոշ տվյալներ, որոնք մինչև օրս մեղ ծանոթ էին միայն բյուզանդական աղբյուրներից: Համոզված ենք, որ հայկական աղբյուրների օգտագործումը շատ բան կտա միջնագարով դբաղվող մեր պատմաբաններին: Իհարկե, այդ երկերը դժուրությամբ և քննադատորեն պետք է օգտագործել, համեմատելով այն ամենի հետ, ինչ մինչև օրս լույս է տեսել, և նրանցից վերցնել միայն ճշգրիտ փաստերն ու հաղորդումները:

Անհրաժեշտ է նշել, որ Մաշտոցի անվան մատենադարանում պահվում են նաև մի քանի սլավոնական ձեռագրեր, որոնք շատ կարևոր են մեզ համար: Իրանցից հարկ է նշել հին բուլղարական Աստվածաշնչի մի քանի պատառիկներ, որոնց տեքստը մեծ նշանակություն ունի բուլղարական լեզվի պատմության համար: Հիշված ձեռագրի ապագա ուսումնասիրումը ցույց կտա նրա ստեղծման վայրը և հնարավորություն կստեղծի լրացնել Բուլղարիայի միջնադարյան գրականության պատմության մինչև այժմ թափուր մնացած էջեր: Ենթադրում ենք, որ այս Աստվածաշնչի պատառիկները Հայաստան են հասել Մուղավիայի և Ուկրաինայի վրայով:

Սոփիայում 1630 թ. կաղմված հայկական մի Աստվածաշնչի կազմի մեջ օգտագործված են բուլղարական հին ձեռագրերի երկու թերթեր, որոնց վրական մանրանկարներ: Մեկի վրա պատկերված է Հիսուս Քրիստոսը իր երկու առաքյալների հետ, իսկ մյուսի վրա՝ Սիրիլան: Նկարներն ունեն իրենց տեքստերը: Այս երկու թերթերը բուլղարական մանրանկարչության, հնագրության և ուղեգրության դարգացման համար մեծ հետաքրքրություն են ներկայացնում:

Ի վերջո, պետք է նշել, որ հայկական մատենագրության մեր կատարած հետազոտությունները չենք կարող ավարտած համարել: Անկասկած հարուստ ու տակավին չլուսաբանված և լույս չտեսած միջնադարյան հայ գրականությունը պարունակում է ևս մի շարք հաղորդումներ ու տեղեկություններ Բուլղարիայի պատմության վերաբերյալ, որոնք այսուհետև պետք է որ հայտնաբերենք ու օգտագործենք: Անկասկած, այս խնդրի լուծման համար մենք դրում ենք մեր հայ գործընկերների օգնության և աջակցության կարիքը:

Թարգմ. Հ. ՕՐՄԱՆՃՅԱՆ (Սոփիա)

АРМЯНСКИЕ ИСТОЧНИКИ  
О СРЕДНЕВЕКОВОЙ ИСТОРИИ БОЛГАРИИ

ДИМИТР АНГЕЛОВ, ВАСИЛ ГЮЗЕЛЕВ (Болгария)

## (Резюме)

В ряде работ армянских средневековых авторов (исторические и богословские труды, летописи и т. д.) содержатся сведения о протоболгарах, болгарях и древних армяно-болгарских связях. Значительная часть этих материалов, обнаруженная авторами в период их работы в Матенадаране им. Маштоца, не была известна специалистам из Болгарии.

В «Истории Армении» армянского историка V в. Мовсеса Хоренаци имеются интересные сведения о переселении протоболгар в Армению, которое имело место, вероятно, во II в. н. э. О первом болгарском правителе Аспарухе содержатся сведения в добавлении к «Армянской географии VII в.», созданной в VII в. Ценные сведения о Болгарии и болгарях содержатся в трудах армянских историков Себеоса (VII в.), Гевонда (VIII в.), Асохика (X в.), Аристакеся Ластиверти (XI в.), Матевоса Урхаеци (XII в.), Степаноса Орбеляна (XIII в.), Вардана (XIII в.), Киракоса Гандзакеци (XIII в.), Мхитара Айриванеци (XIII в.), Симеона Лехаци (XVII в.), Мартироса Кримеци (XVII в.).

Проведенное предварительное исследование уже дало возможность уточнить некоторые факты из истории Болгарии. Дальнейшее критическое использование армянских источников, несомненно, даст многое специалистам по средневековой истории Болгарии.